

नेहरु बाल पुस्तकालय

आबै

हासान मंज़र

सावगारि
खालिद-बिन-सुहैल

रावस्तायनाय
राखाव बसुमतारी



nbt.india



nbt.india

एकः सूते सकलम्

सूते सकलम्

नेसनेल बुक ट्राष्ट, इण्डिया

आसामनि ग'लाघाट जिल्ला बेन्दोडाव थानाय सरुपथारनि सरुपथार
फरायसालिमानि नब्लांआव 29, 30 आरो 31 जुलाइ 2016 इंग्खालि
सानथामनि हाबाफारि लानानै नेसनेल बुक ट्राष्ट, इण्डिया आरो बर'
रेबग्रा जथुमआ जुथायै बानजाइनाय रावस्लायनायनि जरखा मावबादाआव
बर' रावयै बे बिजाबखौ रावस्लायनाय जादोमोन।

ISBN 978-81-237-8113-6

गिबि दिहुननाय : 2018

गिबि सेबखांफिननाय : 2018 (शक 1940)

गुबै © हासान मंजर

रावस्लाय © नेसनेल बुक ट्राष्ट, इण्डिया

Dadi (*Hindi Original*)

Abwi (*Bodo*)

₹ 45.00

सामलाइगिरि, नेसनेल बुक ट्राष्ट, इण्डिया

नेहरू भवन, 5 इंस्टीट्यूशनल एरिया, फेज-II

वसंत कुंज, न्यु दिल्ली-110070 नि जोहै फोसावजानाय

www.nbtindia.gov.in



nbt.india

एकः सूते सकलम्

आबै

कासिममोननिआव विनि विमा-विफा, फंबाय सासे, विनानाव सासे, गाव आरो सासे बुरै हिन्जाव दंमोन। वियो विनि विबैमोन। वियो मेगन नुवामोन। विनि हान्थुआवो मोजां नडामोन। वियो गावनि मोजां-गात्रि सुलाद लाफैग्राखौ वुंनायमोन-“आं आंनि हालोदखौलाय मा फोरमायनो, रावनिबो खामानियाव बानजायलिया हाय।”

विदि वुंन्लाथाय विनि खाथियाव जिरायग्राफोरा वुंनायमोन-“आल्लानि अनगायै सोर मिथिनो।”

बेबायदि वुंनाय खोनाब्ला विनि मोखाडा खुसिजों स्रां जानाय मोनोदि आं रावनिबो खामानियाव उदायलिया, आल्लानि अनगायै आरो मोजां-गात्रि हालोद सोंग्रानि थिंजाय गावनि आखाइखौ फोलावहरो आरो विनि फोलावहरनाय आखाइ सिंआव



गावसोरनि खर'खौ गंग्लायना होयो आरो सिरियै बिथानि आरज गावनायखौ खोनासडोमोन । जेव्ला आरज गावनाया जोबो अब्ला बियो गावनिआव फैग्रानिफ्राय विनि आरो बिथानि नखरनि मोजां-गात्रि खौरां मिथिनानै लायो आरो जोबनायाव बुडो-थांदो थां-थानानै जयै थाहैलायदो । आल्लाआ नोंखौ रंजा-खुसियै लाखिथों दि-आं बुरै लिंघ्रि, खानिनि खाथियाव दसे सम साफिफैदों । थांदो, गोजोनै था ।

आबैआ फालेंनि सोलाय सौखिआव उन्दुयोमोन बेहाय तशक, दुलाई, लेफ आरो गान्दु थानायमोन । बेयावनो फारसेथिं सिगांथिंजाय कारपेट थाखायोमोन । जायखौ हुजु हुजा जायालासे गुवारै स्राय फाननानै लायोमोन आरो आजाननि सोदोबफ्रा रिंखांफैब्लानो नामाज फरायोमोन । बियो सौकिनि फारसेथिंजाय गावनि आखाइ आथिं सुग्रा लथा आरो साबोन दोनग्राखौ मिथिखायोमोन ।



लथानि खाथियावनो गंसे बालथिं थानायमोन जेराव बियो आखाइ आथिं सुनायमोन । बियो सौकिनि गुबुन फारसेथिंजाय ओंखारोमोन जेराव बियो गावनि जुथाखौ दोननायमोन । बैयावनो जिरायै-जिरायै जेरै आखाइ-आथिं सुनायनि दैखौ मोननायमोन । बिदिनो बिहा जाग्रा, दैखौबो मोननायमोन । नांगौ बादियै कासिमनि बिमा नडाब्ला बिथा एबा गावनो बिखौ आखाइआव हमनानै दुगैग्रा नसिम लाना थाडोमोन आरो जेब्ला बियो सिंनिफ्राय राव हरनायमोन अब्ला विनिनो रावखौ नेबाय थानाय, जाय बायजोआव नेनायमोन फांजाबनाय दरजाखौ खेवनानै सिंआव हाबलांना बुरैनि आखाइआव हमै हमै बिखौ सौकिआव लाबोना दोनफैयोमोन । वै समआव मोखांखौ मोजाडै हुगारना विनि मोखांनि दै थरथिंखौ बयबो मोजां मोनोमोन ।

आरोबाव कासिमनि बिमा एबा विफाआ सौकिनि खाथिआव दोननाय बुरैनि फिसा दंफांनि आलमारिनिफ्राय खानजं लाबोना खानाइखौ खानना होयोमोन आरो विनि खर'खौ खुदुमोमोन । बे आलमारिआवनो विनि मुलिआरिया थायोमोन । गोजौनि थखथा सायाव फिसा-फिसा बेरामनि



मुलिफोर-जायखौ बियो आन्दाजैनो हानहरनायमोन आरो माब्लाबाबो बिदि जायाखैदि हजमनि सोलाय खर' सानाय मुलिखौ जानानाय । गाहायनि थखथाआव बिखा आरो थै नारथायनि मुलिखौ बुरैआ फारि-फारियै दोननायमोन जायखौ बिहा जेब्लाबो गोसोआव थायोमोन । माब्लाबाबो मुलि लोनायाव गोरोन्थि खालामफेराखैमोन । अब्लानो कासिमनि बिमाआ मुलिफोरखौ गावसोरनो दोननो हरनो बियोमोन, बोरैबा गोरोन्थि जाफ्लानो हागौ होनना, नाथाय बियो गंसे आइजेंआव आसि थुना बुडो, “नैबे बिखा सानायनि मुलि, बै आखाइ-आर्थि गुसु जानायनि । खिन्थादो-आं गोरोन्थि खिन्थादों नामा?” बिसोर सानैबो मिनियोमोन आरो गावबो मिनिफायोमोन । बयबो मिथिखायोमोनदि बियो रावखौबो गावनि थाखाय एसेबां सुफुं मोनहोआमोन । बेखायनो बयबो मोजां मोननाय ।

औ सौकिआव मोनसेबाव मुवा दंमोन, विनि गोबा-फिसा गान्दु जेराव बियो नामाजनि उनाव सोनारना जिरायोमोन, गोबाव समसिम आर'ज गाबोमोन आरो जनायमोनबो । माब्लाबा माब्लाबा बिखौ आरज गाबज्रिनायावनो थेनथनो ओंखारोमोन जायखौ कासिमनि फंवाय, विनानावमोनहा नुफ्लांब्ला, मेथाइ खनै खनै बुडोमोन-“आबैनि आखाइ-आर्थि सुग्रायालाय बायबाय, आबैनि आखाइ-आर्थि सुग्रायालाय बायबाय ।”



कासिमआ बुग्रामोन, “बायाखै बायाखै ।”

जेसेबां खेबले-खेबले विसोर सानैया आबैनि आखाइ-आथिं सुग्रायालाय बायबाय, बुडोमोन विदिनो, कासिमआ बुडो-“बायाखै ।”

विदिनो मोनसे जुजिलायनाय जायोमोनदि-सोर देरहायो? आबैआबो बे बादायलायनायखौ खोनायोब्ला मिनिनायमोन आरो जेब्ला गासैबो स्त्रि-स्त्राय जायो अब्ला बुडोमोन-सोर देरहाखो?

विदिनो आरोबाव हान्जानि बादायलायनाया जायोमोन-माने-आं आं आं आरो जों जों जों ।

आबैआबो बुंफिननायमोन, “आखाइ-आथिं सुग्रायालाय बायखो माथो जाखो, आंथ’ नामाजबो फरायबाय थायाखैमोन ।”

बिनि गासैबो हाबाफारिफोरा गावनो गाव सोलिबाय थानायमोन आरो समबादिनो जानायमोन । आजान होखांबाय आरो बियो बाल्थिं सेराव जना आथिं सुबाय, जाग्रायाबो लाबोबाय, बालथिंआव आखाइ सुबाय । जाखांबाय । विदिनो जाखांना साबोनजों आखाइ सुनायमोन, खुगा सुनायमोन दि थरथिंसेबो हायाव दै गोग्लैयामोन । दुगैग्रा नआव थांनो थाखाय हरैजा गिदिडोमोन जेराव बिनि जुथाखौ दोननाय जादोंमोन । आरो बिनि आइथिंआ बेयावनो थांनायमोन । आथिंआ थाडाब्ला कासिमआ बोरैवा साखाथि-फाखाथियाव थाब्ला, हमनानै बिनो जुथाखौ गानहोयोमोन । बिनि आखाइखौ गावनि फाफ्लिआव लानानै दुगैग्रा न’ फारसे लासै लासै थावायलाडोमोन । आबैआ बुडोमोन, “कासिमआ सानसे विजिरगिरि जाथारगोन । बिनि गोसोआव बयनिबो अननाय दं । गासैनिबो विजिरनाय माबोरै खालामगोन ।”

फुंनि नामाजनि थाखाय बिनि लथाआव दै गुदुं दोननानै बेयाव खुननि थुग्रा होफानाय जायोमोन जेरै सा दानियाव होनायमोन । गुदुंनि जुनै बिनि सेराव थोंथाम आथिंनि सौकिआव गुवार आरो गोथौ दै लाग्रा आइजें थायोमोन । बियो बरफनि दै लोंफेरामोन ।

कासिम विफानि सासे लोगोआ दरसे सहरआव थायोमोन-जेसेबां कराचीनिफ्राय मुलतान सिबां बारा जानगार नडा, थेवबो गंनैबो नखरनि गेजेराव थांलाय-फैलाय बांद्राय जायामोन । बिनि जाहोनावनो गंनै नखरावनी गथफोरनि सोलोसालि दंमोन । हान्था-मेलानि खरसा आरो गंनैनिबो विफाफोरा सुथि मोनथारामोन । बैसोरनि नखरआव कासिमनि नखरआ सानसेखालि थादोंमोन आरो सबथा खुंनै-खुंथाम थाहैदोंमोन ।



न'आव विबैखौ नायनो थाखाय कासिमनि बिमानै आरो सासे मावग्रा हिनजाव दंमोन । बे सानफोरावनो बैसोरनि फिसाज्ला गेदेरजों-कासिमजों लोगो जालायदोंमोन । विनि मुंआ अरशदमोन आरो विबो कासिमजों समान थाखोआवनो फरायनायमोन । विसोर सानैखौबो रोखोमसे विजावफोर, खौरांलाइ आरो रोखोमसे गेलेमुखौनो मोजां मोननायमोन ।

गोबाव समनि उनाव दा विसोरो कासिमनि नआव फैगासिनो दं । ओरै कासिमआ खुसि जादोंमोन, हरैहाय अरशदआ बै बारगलांनाय बोसोरफोराव सानैबो सासेआ सासेनो ईदनि कार्ड हरलायोमोन, नडाब्ला गावसोरनि आखाइजों बानायनाय बोसोर गोदाननि कार्ड हरलायोमोन । अरशदआ फैमारबाय । नखरनैनि मानसिफोरा गावजों गाव लोगो मोनलायनानै जोबोर गोजोनलायबाय । कासिम आरो अरशदआबो, नाथाय गिवि सानखालिनो अरशदआ मोनदांबाय दि कासिमआ सिगांनि कासिम बायदि नंलिया ।




बियो दा गावजों खुसि नंलिया । बियो गावनि बिबैखौसो बांसिन जोथोन लायोमोन । बियो थिगदि अरशदनि ट्रेनआ फुडावनो मोनफैदोंमोन आरो कासिमआ गावनि बिफाजों लोगोसे बिसोरखौ लांनो स्टेसनसिम फैदोंमोन अब्ला बिहा उन्दुनायनिफ्राय सिखारनायनि सम जायाखैमोन । बिसोरखौ नेनानैनो दसेल सम उन्दुदोंमोन । बेखायनो अरशदजों लोगो मोननाय समआव बियो सियायबाय थादोंमोन । नाथाय फैनाय सानफोराव बिखौ गले गले मोनसे साननाया सौग्रावफैबाय थादोंमोन दि दा कासिमनि गासै समानो गावनि नडामोन । बिसोर गेलेनाय, मिनितायनाय, जंखायलायनाय आरो फरायसालिनि फिसा-फिसा जाथायखौ गोसोखानानै बिबैनि खाथियाव थाडोमोन । गोबाव समनि उनावसो फैफिननायमोन । बे समावथ' गासैबो मुजिनायखौनो दानदिसेल' मोनोमोन । जेब्ला अरशदआ माबा मोनसे एबा दोंसे सल' खिन्थाबाय थाब्ला कासिमनि खोमाआ बिबैनि रावनि फारसेसो थायोमोन ।

अरशदनि नखरआव रावबो बुरै हिनजाव आरो बोराय गैयामोन । बियो गोसोजों गोसो बुडोमोन, जेब्लाबो बि बुरैनि खाथियावल थायो । सानसेखालि कासिमआ अरशदखौ गावनि फरायसालिखौ नायनो लिलाडो अब्ला गोलोम बोथोरनि वन्दमोन, थेवब्लाबो हाआव मेथाइ बिखंफोर गैयामोन, इन्जुरफोराव माखा जेफोर गैयामोन । बियो अरशदनो दाबफा दाबफा जायगा नायहोयो, बेयाव जोंनि बननि खामानि मावो, बेयो सावगारि बोग्रा नब्लां । बेयो विबारबारि । बेखौ आंनो दै लुनानै होयो । बैयो गलापनि बिफां । बेखौ आंनो गायदों । नैबे गेलेग्रा फोथार । मोनसेआ हकि, जोलुरनि आरो गुबुन मोनसेया रिं बल आरो गुबुन दाबसेया उन्दैफोर गेलेमु गेलेग्रा । अरशदआ सानबायदि बे कासिमआनो बै समनि कासिम । विनि गासैबो गोसोआनो गावनि लोगो अरशदनि फारसेमोन । नाथाय फैफिननाय लोगो लोगोनो बियो आबैनो मुलि दौनो लायो । दुगैग्रा नआव लांनाय, आथिं सुनो दै दोननाय, समबादियै मुलि लोंदों ना लोडाखै सोंनायमोन । विदिनो गासैबो खामानिखौ कासिमआ गावनो लाजोबदोंमोन ।

बे बायदिनो सानसेखालि बिबैआ हरखाव गोमायो आरो लोमजाखाडो । कासिमआ गावनि बिमाजों लोगोसे अराय सम बिखौ नायबाय थायो । गोबा होनो थाखाय बालथिं आवग्रिना होयो । टावेलखौ फिसिना मोखां हुगारना होयो, खुगा सुहोयो आरो विनि खुगाआव इलायची होयो । बियो अरशदनि थाखाय खुनुमथैसो सम दिहुननो हायोमोन । अरशदआ मेगन साबाय । कासिमनिफ्राय एरा एरा थानो हमो । कासिम बिबैखौ बियो गोजाननिफ्राय मोहेर दावहेर नायोमोन । मा बायदि बियो बालथिंआव आथिं सुयो, आखाइ सुयो आरो माबोरै सौकिनि गुबुन फारसेथिं जुथाआव आथिं सोखांनो बियो ससे गसंनानै बिहामजो, कासिमनि बिमा नडाब्ला कासिमखौ गाबज्रिनायमोनदि-फै, दुगैग्रा नआव दोनलांफै । बियो सानोमोनदि बियो बेयावनो थागोन, जेब्ला जों थांफिनगोन अब्ला अहाजासे विनि लोगोआव सम बारहोगोन । बेलाय मा बेलायसै, आं गावखौ लोगो हमनो फेदों आरो विहा आंनि थाखाय समआनो गैया ।

सानसेखालि अरशदनि मेलेमआव साननाय फैयोदि जेब्ला जुथानि जायगाआव बालथिं दोनो आरो बालथिंनि जायगायाव जुथाखौ दोनो अब्ला मुजिगोन आरो बियो विदिनो खालामो । जेब्ला खाथि-खालाआव रावबो गैयामोन, बियो सोदोब गैथि आगानजों सौकि खाथियाव थाडो । मुवाफोरनि जायगाखौ सोलाय-सोल खालामो आरो सिरिस्रायै

बै न सिंनिफ्राय ओंखारलांना जेराव गावनि विमा-विफा आरो गावनि मुवाफोरखौ दोनदोंमोन-बैयाव जनानै सल बिजाब फरायनो हमो । नाथाय विनि खोमाआ सोरनिबा हाआव गोग्लैनायाव आरो मुवाफोरनि न' फारसेसो दं । कासिमखौ विमाआ हाथाइयाव थिनहरदोंमोन । अरशदआ विजों लोगोआव थांफानो राजि जायाखैमोन । सानैनिबो विफाफोरा माबा मोनसे खामानिनि थाखाय बायजोआव थांदोंमोन आरो हिज्जावफोरा ओंखाम संग्राआवमोन ।



nbt.india

एकः सते शक्यं राम

हरखाब ब्रायैनो जायखौ अरशदआ सानदोंमोन-बेनो जामारो । आबैनि सानायजों होखावनाय सोदोब खोनायो । बियो गसंनानै बालथिं फारसे थांदोंमोन आरो बेयावनो बियो हाआव गोग्लैदोंमोन । सानैबो आइजोफोरा गिनायजों ओंखाम संग्रानिफ्राय हाखु-दाखु ओंखारबोयो, गथ'फोराबो बै फारसेनो खारलाडो आरो बे समावनो कासिमआबो नआव हाबफैयो । गासैबो आबैनिथिं बेंखनहैयो बियो थैहावनानै दंमोन आरो द्लाम दुखुबो मोनदोंमोन ।

खौरां मोननाय लोगो लोगो नखरारि डाक्टरआबो फैयो । बे समसिम आबैआ गंसे फालेंआव फुथुनानै दोनबायमोन । विनि सिंनि साद्रिआव थैनि थरथिं मोनफा मोनफा जायगाआव सिखांबोदोंमोन । डाक्टरआ विनि खर'खौ फारसेथिंनिफ्राय नायस्रांजोबो । आइथिं आखाइखौबो सोमावनानै नायो । खनसे फारसे आथिंखौ दैखानायाव सानायजों खेंखायनाय खोनायो । डाक्टरआ सानस्लिडो दि फेन्दानि हाराआनो बायबायखोमा आरो बुंबाय, “बे बैसोआव बे हारा बायनाया गिखंथाव जानोबो हागौ ।”



आबैआ हुस गैयामोन । एक्सरेनि थाखाय लानानै थांनाय जायो आरो बे मोनायावनो गोबाव सानसिम सावस्त्रि फाहामसालिआव लाखिनाय जादोंमोन । कासिमनि विबै, सासे विमादै आरो सानै विमानैमोनहावो आबैखौ जोथोन लानो फैवायमोन । विसोरो सम सम सावस्त्रि फाहामसालिआव थाडोमोन । अरशदनि बिफाआवो कासिमनि बिफाजों खननै सावस्त्रि फाहामसालिआव बिखौ नायदोंमोन ।

ननि हिन्जावफोरा खनफ्रोमवो नामाजनि उनाव विनि गाहामनि थाखाय आर'ज गावो । कासिमआ आबैनि थाखाय जोबोद दुखु जादोंमोन । सानसेआव गोबां खेब सावस्त्रि फाहामसालिआव थांलाय-फैलाय खालामोमोन आरो आबैआ नआव जेब्ला फैयो अब्ला विनि फालेंनि खाथिनिफ्रायनो जेराववो थांधाराखै । वयखौवो सम सम गोमोनाय मोनोमोन, बेयो माबोरै जानायमोन? सोरनि गोरान्थिमोन? सोरबा बुंबाय, न बोस्रांग्रानि गोरान्थि जादों, मानोना विबो मानसिसो । खायसेआ बुंबाय, खामानि मावग्राजोंनो गोरान्थि जाबाय बायदोंखोमा । माब्लावा माब्लावा विबो बालथिंखौ खालि खालामनो लाडोमोन ।

कासिमनि बिफाआ खनफ्रोमवो बुंबाय, “दोनदो बे बाध्राखौ, खालै आरजखौल' गाव जाहाथे आइआ मोजांल' जाथारथों । नखरआव आल्लानि अननाय मोनथों । आल्लाआ बिखौ मोजाडै लाखिथों ।”

अरशदआ बे गासैबो दुखु नांधाव जाथायनि साआव एसेबो गोजोननाय फैयाखै । सम सम साननाय फैयोमोन हाराआ बायमारदोंब्ला, अब्ला विनि दायनिगिरिआ आं आरो थैब्लावो बेनि दायनिगिरिआ आंनो । विनि दुखु मोननांनायनि दायनिगिरिआवो आंनोथार । फिन हरखाव साननायसै-बे आंनि गात्रि खामानिखौ माब्लाबावो बावनो हानाय नंलिया । जेब्लावो जिंगा सिबाय थागोन । बेयो जोबथा साननायमोनदि जेरै गोसोनि गासै खुसियानो गैया जालंबाय । विबो सोरनिबा विमा । बिखौ खस्थ होनानै आडो ओरैबादि खामानि मावबाय जेरै गावनि आइखौ खस्थ होदों । आं दा सोरगो मोननाय नंलिया । वियो नआव वयजोंबो खायथेसा-खायथेसा, एरा एरा थाबाय आरो माब्लावा रावनोवो खिन्थायाजासे ननिफ्राय ओंखारलाडोमोन । लामाआव गोजानसिम बेरायबाय थायोमोन । बैआव विनि मोदैखौ राववो नुवामोन । माब्लावा वियो सानो,

खाफाल मोजां आं मुलिफोरनि जायगाखौ सोलायाखैमोन । खिनायनि मुलिखौ हजमनि मुलिनि जायगाआव दोनफ्लांब्ला मा जागौमोनथाय! आं दा जिउआव अराय दायनिगिरि जासिगोन । ना फरायनो-लिरनो हागोन ना गेलेगिरि एबा गेदेर देरना सोरबा गेदेमा सुबुंबादि जानो हासिगोन ।

बे बाथ्राया बै समनिसोमोन जेब्ला आबैआ सावस्रि फाहामसालिआव दंमोन आरो बियो वयजोंबो थांफानानै विखौ नायदोंमोन । सुथि गैयामोन आरो अक्सिजेननि टिउबजों विनि गन्थंआव सोनायमोन । खुगाजों जेबो जानो हायामोन । बेखायनो मुलिखौबो टिउबजोंसो विनि उदै सिंआव सोहरोमोन ।

जेब्ला बियो नआव फैयो, अब्ला विबो थांनानै दानदिसे सम विनि खाथिआव गसंना थाहैयोमोन । बियो सोडो, “सोर दं?” अब्ला अरशदआ रुइदोव गाराडै बुडोमोन, “आं अरशद आबै ।”

जोबथारनायाव बियो सानसे थानो हाथाराखिसै । विनि फालें सेराव टुल गंसे लानानै जिरायनायसै । सौकिआ जाथाय जानायनिफ्रायनो लांदां खालामनाय जादोंमोन । अरशदआ बेखौ नुनानै सानोमोन । बेथ गावनि थाखायनो जादोंमोन । बियो दसे सम सिरि थायो । फिन विनि आखाइआव हमनानै बुंबाय, “आबै! आं नोंखौ आथिं आखाइ सुनानै होनो नामा?”

बियो मिनिबाय, मानोना जिरायनाया विनि थाखाय जाथावना नडामोन । बुंबाय, “बबे समनि नामाजमोनलाय?”

अरशदआ उसु-खुथु मोनबाय । बे समआवनो कासिमआ बेयाव फैनायसै । अरशदआ बुंबाय, “नों थांदो, आंहा आबैनो मावा बुंनंगौ दं ।”

कासिमआ गोमोबाय मानोना विथ' सिगाडव आंखौ नुब्ला मिनियोमोन आरो सिगां साननिफ्रायनो बियो बुंदोंमोन, “नोंसिनि न'आव वि बुरैआ सोरथो?” बे बाथ्राखौ कासिमआ मोजां मोनथ्रामोन । मानोना अरशदआ मिथिखायोमोन विखौ वयबो आबै बुडो-होनना । नाथाय दिनै अरशदनि महरआ सोलायनाय नुदों । बेयाव जंखायनायनि मिनिस्तुनाय गैयामोन । अरशदआ गोदोनाय गाराडै बुंबाय, “हारसिडैसो खिन्थानायनि बाथ्रा ।”

कासिमआ थांबाय। आबैआ गासैबो खोथाखौ खोनासंगासिनोमोन। जेव्हा दानदिसे सम अरशदनि खुगानिफ्राय जेबो माथो ओंखाराखिसै अब्ला वियो बुंबाय, “मा खोथामोन?”

हरखाब अरशदनि सिरिया बायनायसै। वियो गाबनानै बुंबाय, आबै बेयो आंनि फावमोन। आंनो जुथानि जायगायाव बालथिंखौ दोनदोंमोन, मानोना आं नोंखौ मेगन सायोमोन। कासिमआ आंखौ खौरां लाया। दफा दफानो आंखौ नागारना नोंथानि खाथिआव थाना गाबनो हमवाय। आबैआ हमनानै विनि खर'खौ दिखांना, विनि मोखाडाव विलिरब्ला विनि आखाइआ गिसि जाबाय।

अरशदआ बुंबाय, “आं मिथिगौ नोंथाडा आंखौ माब्लाबावो निमाहा होनाय नडा।”

आबैआ दानदिसे सम सिरि थाबाय। फिन वियो अरशदनि हांमा सुरनाय खोनानानै बुंबाय, “आंनि खाथियाव फै आरो आंखौ गोबाफै।”

आरो जेव्हा अरशदआ गाबै गाबै विजो एब्रेहैयो अब्ला वियो बुंबाय, “खस्थखौथ' आं मोनबायनो, नाथाय खुसिबो दं।”




आबैआ बुबाय, “आंनि बे खस्थजों नों सोलायवाय । दा जिउआव जेब्लावो रावखौबो मेगन सानाय नंलिया, जाय गोसोनि थाखाय बेयो मोनसे गिलु-बालु बिसो । थांदो गथफोरजों जिरायहै, गेले, खुसियै, रंजा-बाजायै था, बिदिनो दानदिसे सम आं लिंग्रि, खानिनि खाथियाव जिरायफै ।”

बियो अरशदनि बिखुंआव गोबाव समसिम बिलिरनानै होबाय थायो ।



जिउनि सुथुर

जाय मसजिदआव राफे आरो राफियानि विबैआ नामाज फरायनो थाडोमोन, बेयो ननिफ्राय बांद्राय गोजान नडामोन । ननिफ्राय ओंखारनानै लामाआ मोनसे दथखाआव मोनहैनायमोन । बेनिफ्राय उल्था फारसेथिं ससे थांब्लानो बे फारसेथिनो मस्जिदमोन । थिग बेनि साखाथिआवनो गंसे फुख्रि दंमोन । बेनि सेर सेर हाग्रा दंमोन । गेजेराव जानो हागौ गोरान हा दं एवा मोनसे दिप बायदि । बैयाव जोबोर गोजौ-गोजौ गांसो दं । आरो गोजौ गोजौ थाराइ बिफां रजदोंमोन दि बेयाव गोलेरफोर एवा दैनि मैदेरफोरा थाखुमानानै थाब्लावो गोजाननिफ्राय नुहरनाय नड । नाथाय बेयो आफ्रिकाआव



मोनब्ला दैनि मैदेरआ थागौमोन। बेयो एसेबां गेदेर आरो गोथौबो नडामोन। बेबो सुबुंनि गेजेरावसो-जेराव गोलेरबो थानो हागौमोन। बेयो अखा हादैजॉल' फुख्रि बायदि जाग्रामोन। गोलोम बोथोराव गरम जायो आरो अखायाव गोथौ जानायमोन।

राफे आरो राफियानि विबैआ बे जायगाखौ इनायनो मोजां मोनसोगारोमोन। बियो सान हाबनायनि एसे सिगांनो बैआव सहैयोमोन। बैनि बारहावाआ गोगगो आरो गोथार जायोमोन। दै साआव सिखिरिफ्रा विरलांबायोमोन। गराइजॉं समान गांसो आरो थाराइफोरा बारजॉं मावबाय थायोमोन। माब्लाबा लासै लासै आरो माब्लाबा खरायै मावनायमोन। बार बारनायजॉं गासैबो फारसेथिं देमग्लायोमोन। बार बारगाब्ला फिन खर' दैखानानै गसंफिननायमोन। जेनबा जेबोआनो जायाखैसो।

नाथाय आबौनि बे फिसाज्ला-फिसौजोनि मुडा माबायदिमोन सासे राफे आरो सासेनिया राफिया। बे खोथाखौ सानैनिबो विमा-विफाजॉं जेब्लाबो लोगोमोनफ्लायग्राफोरा सॉनायमोन, नॉथां, बेयोलाय माबादि मुं? रोखोमसेथार। बिसोर सानैनि उन्दैसिननि थाखाय गुबुन मुं नायगिरना मोनाखै नामा? गथ'फोरनि विमाआ फेस्लिथारमोन। बियो बुंग्रामोन, मानो सानै विब'-फंबायनि मुंआ-आखाफोर आरो जॉंथि जानो हाया नामा राफे एबो राफियानि विफाआ गावनि विफाआ गावनि विफानि सिगाडाव मिनिनाय, जंखायनायनि बाश्चाफोर बारा बुडामोन। नाथाय बिबौआ गावनि बिहामजोनिफ्रायबो फेस्लासिनमोन। बियो बुंग्रामोन, “नाथाय बेखौ सोर बिजिरनो दि-सोर गेदेर, सोर देरसिन? आरो सोर उन्दै आरो सोर दुइसिन?”

बेखौ सॉंग्राफोरा गोमोनायमोन आरो बिसोरनि सोरबाफोर सोलो गोरोंआ बुडोमोन, “विदिब्ला सानैबो जावजा नामा?”

“औ नंधारगौ। एखे समआवनो उन्दुयो। मोनसे समआवनो सिखारो। मोनसे थाखोआवनो फराइयो। सोरबा सासेखौ नॉं रागा फोजीडो होमब्ला सासेआ बिजॉं लोगो लागोन आरो बेयो नॉंनि थाखाय मोजां जात्ताय नडा।”


“विदिब्ला बै सासेआ रंजागोन नामा?”

आबौआ बुडोमोन, “नडा बियो रंजानो रोडा। नॉंनि बुंनाय आरो एदावनायनि नकल खालामफागोन, नडाब्ला बेबायदिनो आरोबाव सैथानि खालामगोन!”

दानिया, बे सलआ बै नखरनि जेराव सासे विबौ दंमोन। बिहा सासे फिसाला आरो विनि हिनजाव एबा फिसाला गेदेरनि बिहामजो आरो सासे फिसौज्ला आरो सासे फिसौजो दंमोन। गासै सानै फिसौजो दं, मानोना आरोबाव सासे फिसौजोबो दं-जाय दासो फालेंनि रुगुडाव हमनानै दिनदिंनो रोंहांदों।

औ, बे नखरआव सबथाफ्रोमवो खननै, खनथामसो गथ'फोरनि विमाइआ गावनि स्कुटाराव हारसिं नडाब्ला गावनि बिसिखौ उनथिं फजनानै फैयोमोन। बिहा खर खर रायलायनायनि हुदा दंमोन आरो जाय बेसादखौ आवैआ मोजां मोनामोन, बियो गावनि सिगारेटखौ सोबनायमोन। ओरैनोब्लावो सिगारेट सोबनाया गात्रिखा। आरोबाव गेदेरफोरनि सिगाडावसो। गोबां खेब आवौआ विनि सिगांआव विनि बिब एबा गथफोरनि विमाखौ बुडो, “नोंनि फंवाइआ कलेजनि विबुंगोराथ' जाबाय, नाथाय जानो हागौ विनि विमा-विफाआ गेदेरफोरखौ मावोरै मान होनो विखौ फोरोडाखैमोन। अथ'स' विनि एसे बाहागोखौनो नोंनो फोरोंबाय। विनो आरोबाव गोबां खोथाखौ फोरोडाखै।”

बेयाव आमाइआ बुडो, “दोनदो आदै, नोंथाडा बबे जुगनि बाथ्राफोर बुडो। बै जुगआ दा गैलिया जेब्ला गेदेरफोरनि आन्दोआव सिगारेट सोबनाया मोजांमोन आरो बिसोरनि सिगाडाव सोबनाया गात्रि सानजाथावमोन।”



आरोबाव बियो सिगारेट थसे लागायनानै बेनि उखुन्दैखौ गोजौथिं हगारनानै सोडोमोन, आरो मा फोरोंबावाखैमोन आंनि आइ-आफाआ ।

बे खोथायाव बिमाइनि बिब' जाय बैसोआव गावनिखुइ देरसिनमोन, बुंसै, “आरो दलिसाआव सिगारेटनि हांगार गावसिनाय ।”

“नोंथाडा बेनि मुलाम्फाखौ जेबो बुजियालै आव ।”

बियो मिनिनानै बुंसै, “बेजों अखानाइयै जेब्ला दलिसा (गारसा) खौ ब्रासजों मानजिब्ला हाथफ्लाआ सिथाबनानै मैलाआबो गोजों जायो ।”

बेनि उनाव बियो गसंनानै सिंखौ गोथों खालामो, जेन'वा स्कुटार सालायनानै सादोंसो । थोंजों रेफ्रिजारेटर फारसे मोखां जालाडो । बेनि दरखौ खेवना माबा जाग्राफोर दं नामा नायगिरहैयो । बेयावनो, बियो बेसादफोर दैखानानै नायना बुडो, “बावरे बाव.... बेलाय केक् नामा माथो दोनै दोनैनो मुसिलांबायसो ।” नडाब्ला वे आंगुरआथ' उदाय थारलिया । आरो मा मोनसे दं, बेनिफ्राय गावनि थाखाय थोजासे थुग्रा लानानै रेफ्रिजारेटरनि दरजाखौ फांना सफाआव जफैयो नडाब्ला सिथ्लाखौ गासे गिदिनानै बुडो, “होम, दाउखैरांनि जुग फैलायवाय ।” सुमलि विफांखौ नुनानै बियो बुडोमोन, “बेयाव गेदेर गेदेर गलाप विबार बारनायनि जुग फैनांगौमोन । नडाब्ला आवौखौ बुडो, आदै, नों जोंनि नआव सानफ्रोमबो फैवाय था । जेब्लाबो दाउखैरानि वेदर जाहोगोन ।”

अब्ला गथ'फोरनि विबौआ बुडो, “हामवाय, नों जोंनि हालोदखौ अनदो । मिथि मोनलिया नोंसिनि नआव माब्लाबा फुंआव सखा दाउ गावनाय सोदोबखौबो खोनागोन ना खोनाया?”

अब्ला आमाइआ बुंहां बुडाहां जायो, जेन'बा मिनिथाव बाथासो । बुंनो थाडोब्ला बिहा मोनसे गात्रि हुदा दंदि बियो मिनिथाव खोथाआव मिनिनायमोन । गाबथाव खोथाआवबो मिनिनायमोन, जेन' लामाआव माबा जाब्रबथाय नुब्ला एबा सोरबा थैनायनि खौरां खोनायोब्ला । विदिन्धि, “गाहाम, बै बोराइआ जेब्लाबो लामाखौ बारसबाय थायोमोन । थारैनों माबेवा ट्राकजों होखेमजानानै थैदों जानांगौ ।”

आमाइनि रावआव जानो हांगौ आवौआ थैखौनी लोंगौमोन, मानोना बियो विनि सासेल' जोबोद अनजाथाव विहामजोनि विफंमोन । नाथाय आमाइनि बिब'आ लाजिनायजों दैबायदि जायोमोन । गथ'फोरनि बिफाआ बुजिगोरों मानसिमोन । बियो

आमाइखौ फैनाय नुहरब्लाथाइ गावनि फरायग्रा-रेबग्रा न सिंआव हाबना थायोमोन आरो गथ'फोरखौ बुंलाडोमोन, नोंसिनि नोमाइ सोंब्ला खिन्थाना हो माबा गोनांधार खामानि मावदों होनना ।

औ, बाध्राया बेनिफ्रायनो जागायदोंमोनदि राफे आरो राफियानि बिबौआ जाय मस्जिदआव नामाज फरायनो थाडोमोन, बेयो ननिफ्राय बारा गोजान नडामोन । बेनि खाथिआव गंसे फुखि दंमोन जायनि गेजेराव गोजौ-गोजौ (ग्रौ-ग्रौ) गांसो आरो जाबथु जाबथु थुरि हाग्रा दंमोन । बै हाग्राआव गोवां सखा दाउ दंसोगारोमोन । आरो जोबोर फिसामोन, गांसो बिलाइफोराव बानानै जेरैबो गेलेनो हालायनायमोन, जेरै मासे फिसा गोसोम फुरला-हारसगथ' दाउ बादि रेजें - अजन गैयि बायदिसो ।

सानसेखालि बे हाग्राआवनो सान हाबनायनि सिगांनो मोनाबिलिनि सानरोदाआ गांसो आरो थुरि गुदिफोराव गोग्लैफैदोंमोन, आवौआ हाग्रा गुदिआव मोनसे दाउबाहा बादि नुहरो । गोलोम बोथोरमोन ।



बिनि दाउबासा ना मा बिदि सानफुनाय समावनो मस्जिदआव नामाज जागायबायमोन । बियो सिंआव हावहैनायसै ।

न'आव सहैखांब्ला आबौआ बे खोथाखौ गोसोआव फैयाखैमोन ।

नाथाय अखानायै बेलासिआव थिग वै रोखोमसे समावनो फुख्रि सेराव सहैब्ला मैयादि गाव दाउ बासा बायदि नुदोंमोन-बे खोथाआ बिनि गोसोआव जाखांफैनायसै । साननि स्रांआ ओरैबादि गोग्लैदोंमोन-जेन' बिनो बे जिरादखौ खिन्थानोनो सोरबा बेसेबा गेदेर टर्स फोजोंदों एबा फट' खेबग्राआ फट' खेबनायाव मोफ्लामनाय स्रां बायदिसो ।

बियो मोजाडै नायथाबबाय । थारैनो बैयो दाउ बासायानोमार, नाथाय ओरैबायदि गाहायावमोन जेन' उसु-खुथुयैसो बासाखौ लुदों । बेनि खाथि-खाला गोरान गांसो दंसोगारोमोन । गुबुन जेबो गैयामोन । उनाव बियो वै रावखौ गोसोआव फैनायखौ जायखौ बिथांआ फरायदोंमोन, शहंशाह बाबरआ वुंदोंमोन, “दाउआ वुंदों, आंनिआव गाइखेर आरो सिनि दं ।”

आबौनि खुगाजों ओंखारो, “नोंसो माथो । गोसोम दाउखैरा मानआव गेदेर, जोबोर मोजां जायगा बानायदों, बिदै दैनो थाखाय ।”

मस्जिदनिफ्राय आजाननि सोदोब रिंखांफैगासिनोमोन । आबौआ वुंबाय, “आल्लाआ नोंखौ आरो नोंनि दाउदैखौ मोजाडै लाखिथों । बेवहाय नेवलाय आरो जिबौ दाफैथों ।”

बे खोथाखौ बियो बिनि थाखायनो वुंदोंमोनदि गोसोम दाउखैराफोरा जाय गुबुन दाउखैराफोरनि गेजेराव बयनिखुइबो समायनासिन, जोलैआ गोमालांनो हमबाय । फारसेथिं बिनि बे समायनायानो बिनि सुथुर आरो बिनि अनथाव बाथाव गाबनायाबो बिनि सुथुर ।

बेनि थाखायनो आबौआ आरज गाबनानै मस्जिदआव नामाज फरायनो थाडो । सिबाय बियो वै सानखालि बयनिबो उनथारावसो जायगा मोनो । बियो मोजां हाबा मावनानै फैबाय जेब्ला उनथाराव गसंब्लाबो जेबो दुखु मोनाखैमोन ।

बै बेलासिआव जेब्ला खोमसिआ साग्लोबबायमोन, आबौआ अब्ला नआव सहैयो । बे समआव राफे आरो राफियामोनहा फैतानै बिजों बाबथाव फैयो सानफ्रोमबो खालामनाय वादिनो । राफियाआ वुंबाय, “आबौ सिगां आंनि थाखाय आर'ज गाव जाहाथे जोंनि नसिंआव माइनाव हावफैथों ।”

आबौआ बुंबाय, “विदि आरजआवथ माइनाव नुजाफैथारनांगौ।”
राफेआ बुंबाय, “सिगां आंनि, जाहाथे आंनिखौ माब्लाबाबो विसा एमफौआ
दा अरथौ।”

आबौआ बुंबाय, “आरोबाव गोवां आरज गाबगोन, नोंसोर सानैआल फरायनायाव
जेब्लाबो मोजां नम्बर लाबोयोब्ला।”

सानैबो स्रेडै बुंबाय, “बेखौथ’ जौं जेब्लाबो लाबोखायोआनो।”

आबौआ बुंफिनबाय, “दिनै मोनसे जोबोद समायना जिराद नुदौं।”

गथ’फोरा सोंबाय, “मा?”

आबौआ बुंनाय, “बासा।”

“मानि?”—फंबायआ बुंबाय।

“आंनि आन्दाजआव गोसोम दाउखैरानि।”

बिबआ बुंबाय, “जौंबो नायगोन।”

आबौआ बुंनायसै, “दानो नंथआ। सिगां आं मिथिग्रोना लानि दाउखैरानि नंगौ
ना नडा। नोंसोर थां, जेब्ला विनि विदैनिफ्राय फिसा ओंखारो।”



नाथाय सानैबो गथ'फोरा उन्दुलांजासिम विदिनो बुंबाय थानायसै, “गाबोन जोंबो मस्जिदआव थांफागोन । नों जोंखौ माब्लाबाबो मस्जिदआव लांफाया ।”

बे खोथाखौ खोनानानै विसोरनि विमाआ मिनिनायसै, “नामाज फरायनो ना दाउखैरा नायनो थाखाय नोंसोर नामाज फरायनो रोड ।”

सानैनिबो मोखांआ बेरेदनाय गथ'फोरबादि जाबाय । ब्रायनो, अखानाइयै बेलासिआव नामाजनि एसे सिगांनो राफिया आरो राफे मोनहा जि गानस्लायनानै मस्जिदआव थांनो थाखाय थाखथियारि जाखाबाय । राफियाआ गावनि जोमबायग्राखौ फाफ्लिआव लाबाय आरो राफेआ थुफि हमना लाबाय । जेब्ला आबौआ न'निफ्राय ऑंखारो अब्ला विसोर सानैखौबो देलायनानै थानाय नुयो ।

वियो बुंबाय, “मोजां, मोजां । आंवो ऑंखारबाय । थुदो-विदिब्ला मस्जिदआव लानानै थांनोसै । गासैबो नामाज फरायग्राफोरनि उनथाराव गसंन था । बेवहाय सानैजों जेबो रायलायनाड, मिनिनोबो नाड ।”

“आरो बासाआ?” राफेआ सोंबाय ।

दसे उनावनो विसोर साथामबो मस्जिदनि खाथियाव सहैबायमोन । आबौआ बुंनयसै, “बैलाय माथो, बै फुखि सेरनि हाग्राआवनो दं-दाउबासाआ । दा बेखौ नोंसोरनो नायगिरदो ।” दै सेराव थाथ'नाय उनाव, से मिनिटसो उनाव सानैबो गथ'फोरा स्रेडै बुंनयसै, “बैलाय बाहाआ आरो दाउदैनि विमा, विफाआबो ।”

“नंमारगौ ना?” आबौआ विसोरनो फिननायसै आरो बुंबाय, “नोंसोर जोबोद खाफाल गोनां । गिवि सानावनो सानैबो दाउखैराखौ नुबाय । मोजाडै नाय, जानो हागौ, बे हाग्रामाआवनो आरो गोबां दाउदैनि विमा-विफा थानो हागौ ।”

nbt.india

एक: वारा सफल



राफे आरो राफियाआ मेगनखौ फेदेर-फेदेर नायबाय, नाथाय न'आव सानफ्रोमबो फैग्रा सखाफोरनि अनगायै हाग्राआव आरो गुबुन जेबो दाउ गैयामोन ।

आजान सोदोब जोबनाय लोगो लोगो आबौआ मस्जिदआव थाडो आरो बिनि उन उन राफे आरो राफियामोनहा थाडो । सानैबो सिरियै गासै नामाज फरायग्राफोरनि उनथाराव गसंबाय थानायसै । उनाव राफियाआ राफेनिआव सोंबाय, “नों मा आर'ज गाबखो?” राफेआ बुंबाय, “सिगां नों खिन्थाग्रो ।”

राफियाआ बुंबाय, “आं दाउदैनिफ्राय थाबैनो फिसा ओंखारथों आरो रावबो विसोरखौ खायसे दाहार्थों होननानै आर'ज गाबदों ।” राफेआ बुंनायसै, “आंबो आर'ज गाबोदि विसोरनि रावबो सुथुरआ बैयाव फैया आरो गासैबो दाउदैफोरा फिसा ओंखारो ।” राफियाआ बुंनायसै, “मोजां दाउसा ।”

राफेआ बुंबाय, “गासैबो दाउदैआ मोजां दाउसा जाखायो जाम्बा ।”

न'आव सहैखांना विसोर गावसोरनि बिमार्जों खालि बै दाउखैराफोरनि सोमोन्दैल फोरमायबाय थानायखौ बेसेबां समायनामोन आरो माबादि खामानि मावदों ।

बिमाआ बुंनायसै, “एसेबां गोजाननिफ्राय नोंसोरलाय माबोरै नुहरखो?”

राफे आरो राफियाआ हाबसोहैनायसै । बिनि उनाव गथ'फोरा सानफ्रोमबो बिबौआ मस्जिदनिफ्राय फैफिनब्ला सोडोमोन, “दाउखैरा फिसा ओंखारबाय नामा?” अब्ला बियो मिनिनानैल' थायोमोन ।

बेनि उनाव आबौआ गुजुनाय बेरामआव गोग्लैयो आरो साननैसो मस्जिदआव थांनो हायाखैमोन । जेब्ला गाहाम जाफिनो अब्ला बियो मस्जिदआव थाडो । बेनिफ्राय फैफिननायाव बियो थारलायै सिरि थायोमोन ।

गथ'फोरा सोंबाय, “आबौ! दाउदैआ फिसा जाबाय ना? दाउखैराखौ नुदों नामा? बियो फिसाफोरखौ नागारनानै गुबुनावसो बिरलांबाय नामा?”

आबौआ बुंबाय, “मिथि मोनलिया । दा, दाउखैराखौ नुवाखिसै । बिनि फिसाखौबो नुवाखिसै ।” बेनि उनाव बियो साननानै बुंनायसै, “जानो हागौ बैयाव दैनि जुनार फैनानै दाउदैखौ जालांबाय । वेबो नेवलाइ आरो थै सोबग्राफोरबादि दाउदैनि सुथुरथार ।”

गथ'फोरा दैनि जुनार एबा दै आरो बोरिआव थाग्रा जुनारखौ मिथिनो नाजानायसैदि मा बायदि जागोन बेलाय आरो बेसेबां गेदेर?

उनाव बुहुमनि गासै दैनि जुनार, नेवलाइ आरो जिबौफोरखौ थांनायनि आरज गाबो ।

वे जाथाइनि सानथाम उनाव लांगोनाआव स्कुटारनि गाबनाय सोदोब फैयो ।
आबौआ विहामजोखौ बुंबाय, “नै फैलायबाय नॉनि बिफं बिबुंगोराआ थै दुंखांहोनो ।”
वेनि उनाव दरजाआ ब्लां गोवो आरो आमाइसोआ हाबफैयो ।

बिजों लोगोआव सिखा-सुरि विखबबो दंफायोमोन । सोरबाफोर गुबुन हादरनिफ्राय
फैफिनबाय बियो बिथांखौ बै हादरनि बायदि रोखोमनि सुरि बिहरफायोमोन । दिनैबो
बियो सुरिनि दाबाखौ लाबोफादोंमोन । फैनाय लोगो लोगोनो सफाआव गेम जिरायो
आरो गथफोरनि बिबौखौ बुंनायसै, “आदै, आं नॉनो जोबोद गोमोथाव वेसाद दिन्धिगोन ।
ब्राजिलनि सिखासुरि । आंनि सासे फरायसानि बिफाआ बैआव थांदोंमोन । आंनि
बिहरनायाव लाबोफादों ।”

“ओरैना?” आबौआ बुंबाय ।

“मा बायदि खोथा बुडो आदै नों, बिथांआ गावनि फिसाज्जलानि फोरोंगुरुनिफ्राय
रां लायो नामा?”

वेनि उनाव बियो थेमाखौ खेवनायसै जायनि सिडाव गुरै सि दंमोन । गंसे गिथाव
बाथाव सिखासुरि बहननायसै, “बेखौ नायदो आरो बिनि गोबौखौ नॉनो दिन्धिनि ।”



आबौआ बुंनायसै, “हामबाय, नोंथांआ आं आरो आंनि गथ’फोरनि थासारिखौ अनदो। खुदाया दाखालामथों दि बिसोरखौबो सिखासुरि आरो सिलायखौ मोजां मोननो हमथों।”

नाथाय बे समआवनो बियो सिखासुरिखौ खेवनानै बेजोंनो गावनि आखाइनि खोमोनखौ हनानै दिन्धिगासिनोमोन। उनाव रावखौबो रायनाय नुयिताय बियो सिखासुरिखौ बिखवआव सोना दोनो। मोनसे गोनांथि नडि खोथा बुंनायसै, “आदै जोंथ’ मैहुरनि थाखाय सान्दुंआव थै-थां गिदिंबायो। बेखौ मिथियामोनदि नोंथांनि न साखाथिनि हाग्राआवनो जरासे दाउखैरा दंमोन आरो दाउखैराआ माबायदि गोसोमबावसोमोन।

आबौआ गोमोनाय मोनबाय आरो आइयाबो। आरो बिसोरखौ नोडो सिथारबाय आबौआ गोमोनाय रावै सोंबाय।

“आरो मैहुर खालामो मानि थाखायथो?” आमाइसोआ दुथाडै बुंबाय, “नोंथ माब्लाबाबो खिन्थाफोराबो, नैबे बिमाइनि सानै जिउनांफोर खिन्थादोंमोनदि बिसोरनो नोंथांआ गोसोम दाउखैरानि जरा दिन्धिदोंमोनदि बिसोरनो नोंथाडा गोसोम दाउ खैरानि जरा दिन्धिदोंमोन। आं थरसे अन्थाइ खुबैनायाव मानैबो सिलाइनि नोजोराव गोग्लैनाय विरबाय। विदि जाम्बा दाउफोरखौ मैहुर खालामाब्ला-हेनब्ला बियो मैदेरनि मैहुरबो खालामनो रोडा।”

आबैआ बुंनो सानदोंमोन, “नों आंनि विहामजोनि...” बेनिफ्राय बियो बुंनो हायाखिसै।

आमाइआ दसे सम जिरायना सिगारेटनि उखुन्दै हगारबाय थानायसै। बे सानखालि बियो रेफ्रिजारेटरनि दरजाखौ खेवाखै, सिथलाआव रजनाय सुमब्लि बिफांखौबो नोजोर होयाखै आरो हरखाव, खुदा हाफिज बुंनानैल ननिफ्राय ओखारलांनायसै।

बि थांनाय लोगो लोगो राफे आरो राफियामोनहा रौवा रौ गाबना आबौनि आथिंआव गुग्रुब हैनायसै। फारि फारियै साफा साफायै।

सासेआबो बुंबाय, “दा जोंखौ आल्लाआ जेब्लाबो निमाहा होनाय नंलिया आबौ?”

सासेआबो बुंबाय, “दानिया बिनि बिमा-बिफायानो गैलिया जेब्ला बिदिब्लाथ’ दाउदैआ उखैनायजों बाब्राब बाय बाय खोमा । बिनि साजाखौ जोंनो मोनसिगोन?”

आबैआ बुंनायसै, “नडा । नोंसोर गोसोआव आल्ला मियाँनो रादाय होदोदि सोरबा मैहरारिनो माब्लाबाबो मैहरनि थंखौ खिन्थालिया, अब्ला आल्लाआ नोंसोरखौ अनगोन । ना दाउखैरानि, ना मैनि, ना दैनि दाउफोरनि ।”

गथ’फोरा बुंबाय, “वैसोर मानैबो सोरगोआव थाहैबाय नामा?”

“औ ।” सानैबो गथ’नि खर’ बिलिरनानै बिबौआ बुंनायसै । गोजाननि खुन्थियाआव सोनारना थानाय आइनि मेगनआबो सिदोबदोब जाबायमोन ।



nbt.india

एकः सूते सकलम्